

中國方志叢書·華中地方·第九一七號

據

清·曾毓璋等修
清同治六年刊本

影印

江 西 省

廣昌縣志

(四)

成文出版社有限公司印行

中華民國七十八年三月臺一版

廣昌縣志

共四冊

發行人：黃

成

助

台北郵政信箱二二六〇五號

出版者：成文出版社有限公司

台北郵政信箱二二六〇五號

台北市南京東路三段270號9F

電話：七四一五四三二九

印刷者：上林彩色印刷有限公司

台北市大理街145號

新聞局出版登記證：局版台業字第一一四三號

本書承

日本國會圖書館以所藏稿本借攝
謹誌並致謝忱

廣昌縣志卷之八

藝文志目錄

序

重修姚公祠序

羅榮

贈趙澹山遊西湖序

羅榮

鄉社序

羅榮

修白鹿砦序

新增

揭恂

募修城隍廟序

新增

魏定國

魏右石詩序

新增

黃永年

去思紀吟序 新增

何際昌

傳

始祖鶴山公傳

魏卓

何貞女傳

羅萬程

從大父百歲翁傳

揭恂

記

重造建昌郡治記

何文淵

學校記 新增

何文淵

文會堂記 新增

何文淵

江知縣平寇記

新增

何文淵

重修大覺寺碑記

新增

何文淵

兩浙都轉運使前建昌府太守江侯生祠記

市郊食石公署記

何喬新

望雲思親圖記

何喬新

重建明倫堂記

何喬新

竹坡記

新增

何喬新

通濟橋記

新增

何喬新

堰築石隄道溪流記

新增

何喬新

清白堂記

楊震

學田記

李喬

順化義渡記

李喬

尊經閣記

何源

重修學溪記

何源

布政分司公署記

何濤

撥真隱寺租田送學公用記

李存信

鼎塔記

劉伸

置租田記

陳所志

邑侯毛公永思祠記 新增

何璽

鶴儒橋記

吳仲椿

定徭役記

何三省

躍龍橋記

饒登

送子觀音菴贍田記

劉邦治

伯庸公祠設立義田學田記 新增

魏定國

重修平西壩河堤記 新增

黃永年 代作

遊龍鳳巖記

李開元

遊鰲峯記

李開元

碑

廣昌縣重修廟學碑 新增

何喬新

東平王廟碑 新增

何喬新

重修廣昌縣城碑

劉文卿

王侯德政碑

劉伸

邑侯徐公德政碑

饒登

晉汾高呂梁邑侯永思碑

何三省

高君寵郡伯報功碑

魏應桂

廣昌縣志卷之八

加同知升銜知縣事曾毓璋潤甫校刊

藝文志

序

重脩姚公祠序

羅榮

姚承菴先生之令廣昌也垂今將六十年公之言曰予
家視廣昌卽以家人父子之訓訓之今所訓之文散沒
不可考而父老年八十上者猶能誦此二語公之思至
於今不衰夫使人俎豆於當時豐其碑華其文垂數十

年猶誦述其語思所以飭墻垣蔽風雨此何以故也豈盡邦人之厚歟抑亦公之所入於人者有不可沒歟公理學儒宗誨人諄切慈愛若桑門而行義如壯夫優而柔之曲而暢之故所傳述皆庸言庸行峴首之思于茲益見且祠當孔道平疇碧樹與岡巒相錯有行僧三年依此結茶竈因欲作茗亭塑大士像令行路之人取杯杓之間所利者至不可勝計此亦古人置驛傳餐之意王政之所先也公之德于是乎益遠矣慨自時異勢殊陵谷遷變第宅且不能守何有于亭何有于數十年後

令公去思之亭此不過下邑殘城衢道之廬館云耳又
何以指而目之所誦述遺言懿行父母孔邇猶赫赫如
昨日者乎甚矣士大夫非仕之難仕而賢且仁之爲難
也仕而賢且仁至有功德于民永祠之不絕則又不必
崇秩廡仕薄縣令而不爲也噫可風也

贈趙澹山遊西湖序

按此篇誤
刻應刪

羅 榮

予年六七歲時聞人說西湖欣然欲往隨祖父遊宦吳
楚閩粵間更以饑驅仗劍疋馬走大河以北及今四十
餘年而所謂西湖者竟未一至每覽古今人勝記凡所

爲堤橋亭樹塔墓寺祠井洞屏屋厯厯如身見之癸丑
暮春予友澹山將有事西湖予恨不能從念湖山如此
豈無異人而所謂異人大都非冠劍車騎及文墨迂濶
之士多不易識澹山覽興替而考因草謁先賢訪奇士
較他日官于茲土必更休暇而可親也西湖自李鄴侯
引湖水作六井白樂天修之迨東坡在杭西湖始開卽
其詩所謂我在錢塘拓湖淥者杭人思之故曰蘇堤聞
東坡欲鑿石門山運河以避浮山之險又欲於蘇州以
東鑿挽路爲千橋以迅江勢俱不果行當時以爲恨此

享公本傳與集及西湖志俱不可考楊升菴記之特部
不知於今日肯爲此言尙有利焉否耶且所謂名勝者
或蘇或白或岳祠或孤山果在人而不在湖光與山色
耶澹山如僅以遊觀爲也當探奇五嶽不則褻萬里糧
走海外絕域以澹山博學辨識兼通青鳥術必以遠大
自命劉夢得初見天華以爲奇絕後識九子而悔其言
之失是知人與地俱不可勝窮澹山至性人具鑒裁出
而交天下士宜有所以廣其遊之益者然是行也澹山
蓋爲其舅氏二十餘年不歸奉母命以求其一遇而游

特其偶然者也

鄉社序

羅 榮

夫禮失而求之野又曰觀于鄉而知王道之易每讀至此輒欲廢書而嘆今吾鄉風俗日漓醴朴幾乎熄矣名都巨邑焦土可憐瑣尾流離淚零邱葛桃花一逕夢想縈之吾黨際此度無奇才異力爲宗族交遊光寵又時方左文不習于風角緯象兵家秘計卽安朴野守畊鑿爲鄉黨自好之士羣稱曰善人斯可矣致求盈餘何乃自困馬少游平平數語正自使人臥念不忘耳今與諸

同人約期敦尙行誼力追醕古列爲七條以美風俗
斥喧囂痛懲卑陋條爲十則以勵鄙懦二者相爲表裏
蓋亦人情之所樂聞而庶幾王道之存以求禮于野之
義也

修白鹿岩序

新增

揭 恂

莫不仁於天莫仁於地不弔歸之降割歸之草昧歸之
不仁孰甚焉地居四大之一而大山水得其奇傑如人
類之儔往以尊名壽於世俯睇夷衍瓊然也所爲仁則
大山水與夷衍遞主之平世宜平室宇疇陌城闕井絡

都人士女之往來嬉遊仁在夷衍險世宜險王不在宮
嬪不在壺卿士瀕野婦不陰處仁在大山水一地也平
險均仁仁孰甚焉哉善夫元次山曰山澤化爲州里草
木化爲宗族風雨化爲邸舍雪霜化爲衣裘其今之謂
矣四海內寇與寇攻暴與暴觸巷戰鬥閨腐肉斷骨人
民奔亡竄徙瘡痍呻痛慮無不寄命於絕崖深谷之域
始能延其視息嗟嗟鼠社狐城驚咳蜮語人道久化異
類故不至盡與鳥獸錯襍而處不止抑東海北海古人
待清山川之仁政欲爲無辜善類存此淵藪且曰舉世